



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1562 usque ad annum 1563

Fleury, Claude

August. Vind. [u.a.], 1771

VD18 9011860X

§. 96. Legatorum responsio ad hunc Archiepiscopum data.

[urn:nbn:de:hbz:466:1-66641](https://nbn-resolving.org/urn:nbn:de:hbz:466:1-66641)

Sæcul. XVI
A.C. 1562.

omnibus Scholasticis, quibus hæc nova opinio e diametro repugnat. Insuper idem Episcopus eo argumento usus est: si Sacramenta a Christo instituta sunt, inde deducere licet, Ministros Sacramentorum ab eodem institutos, adeo ut is, qui dicere velit, Hierarchiam esse juris divini, & summum Hierarcham a Deo institutum, etiam defendere debeat, quod ceteri quoque Hierarchæ eandem habeant institutionem, cum Ecclesiæ Catholicæ hæc sit constans doctrina, Ordines dari per manum Ministrorum, & potestatem conferri a Deo: quæ omnia cum vera sint, certaque, ab hæreticis tamen negata plurimis in locis, quos in unum collectos dicebat ab Episcopo Segoviensi ceterum hic Præsul inquebat requiri, ut his a Synodo declaratis & definitis, contrarii errores damnarentur.

§. XCVI.

Legatorum responsio ad hunc Archiepiscopum data.

[*Pallav. c. 12. num. 11.*] Legati hisce Præsulibus respondebant: „vanus vester est timor, prout „rei exitus manifestabit; nos enim omnem dabimus operam, ut juxta promissionem factam quæstio de Residendi jure agitetur.„ Nihilominus Legationem illis exponere nolebant, cur hæc

hæc verba *jure Divino* a decreto expunxerint: simulabant tamen, id a se factum ideo, quod, prout dicebant illi, hæreticorum nullus inficiaretur, Episcoporum institutionem ex *jure Divino* descendere: cum autem Episcoporum nonnulli hanc solam, quæ Legatos ad rescanda hæc verba impulisset, rationem fuisse dubitarent, hinc reponebant, relectis hisce verbis eo majus timendum esse periculum, quo firmiter exinde stabiliri videatur opinio illorum Scriptorum, qui Episcoporum institutionem esse de *jure Divino* negant. Præsides, cum ejusmodi tricas submovere totis viribus niterentur, communi ore dicebant, nominandos esse ejusmodi Scriptores, moxque illorum rationes fore examinandas. Accepto hoc responso Episcopi altera jam vice Seripandum adeunt; hic enim profunda Theologiæ scientia celeberrimus audiebat, & quamvis parem cum Osio Legato Warmiensi Episcopo doctrinam haberet, longe tamen majori in deliberationibus auctoritate valebat: huic ergo demonstrare nitebantur, errorem illum ab hæreticis recentioribus adjectum fuisse reliquis eorum opinionibus contra Ecclesiæ Hierarchiam adinventis. Verum econtrario Seripandus ostendebat, quod Hæretici in productis locis gradum

Sæcul. XVI.
A. C. 1562.

Sæcul. XVI.
A. C. 1562.

Episcopi fuisse a Deo institutum haud negarent, sed duntaxat dicerent, Episcopos in præsentem non eos esse, de quibus loquuntur Sacra Oracula, utpote non exercentes ministeria illic ipsis destinata: ast hæc verba multis difficultatibus obnoxia videbantur, ideo postea subjunxit: Legatorum non esse studium, ut omnes diversas hæreticorum opiniones proscribant, sed ut artes evitent, quibus nonnulli quæstionem de jure residendi suscitare, ac definitionem extorquere niterentur, cum tamen circa illius decisionem Rex Catholicus suam mentem, ac votum jamjam declarasset.

§. XCVII.

*Tria hoc negotium expediendi media
 a Legatis summo Pontifici
 proposita.*

*Pallav. c. 12.
 n. 13. & 14.* **E**x omnibus hisce controversiis Legati haud obscure colligebant, quod Patres simul articulum de Institutione Episcoporum unacum articulo de Residentia decidi vellent, cum autem, quid hac in re consilii caperent, adhuc suspensi hærerent, hinc nuntio ad Borromæum Cardinalem misso, eidem tria exponebant media, ac quodnam ex illis magis expediret, ab eo sciscitabantur: porro eorum primum eo tendebat, ut Synodo proponeretur, quatenus ea totum